

Бекітемін: Мәу
Қамқоршылық кеңес отырысының
хаттамасы №8, 03.04.2026ж.
Төрайымы Медеева Г.Т.

Бекітемін: Мәу
Қостанай облысы әкімдігі білім
басқармасының «Қостанай қаласы
білім бөлімінің С.Мауленов
атындағы гимназиясы» КММ
Педагогикалық кеңес отырысының
хаттамасы - №6, 27.03.2026ж.
Төраға/директор Мадиебаев А.И.

**Қостанай облысы әкімдігі білім басқармасының «Қостанай қаласы білім
бөлімінің С.Мауленов атындағы гимназиясы» КММ
білім алушыларды қабылдау ЕРЕЖЕСІ**

Қостанай қаласы

1. Жалпы ережесі.

Білім алушыларды қабылдау келесі нормативтік актілерді басшылыққа ала отырып іске асырылады:

1. «Білім туралы» Қазақстан Республикасының 2007 жылғы 27 шілдедегі № 319 Заңы;

2. «Бала құқығы туралы» Қазақстан Республикасының Заңы (8 тамыз 2002 жыл №345);

3. Тиісті типтердегі және түрлердегі мектепке дейінгі, орта, техникалық және кәсіптік, орта білімнен кейінгі, қосымша білім беру ұйымдары қызметінің үлгілік қағидаларын бекіту туралы Қазақстан Республикасы Оқу-ағарту министрінің 2022 жылғы 31 тамыздағы №385 бұйрығы.

4. Қазақстан Республикасының Білім және ғылым министрлігінің 2018 жылдың 12 қазанында «Бастауыш, негізгі орта және жалпы орта білімнің жалпы білім беретін оқу бағдарламаларын іске асыратын білім беру ұйымдарына оқуға қабылдаудың үлгілік қағидаларын бекіту туралы» №564 бұйрығы.

5. Қостанай облысы әкімдігі білім басқармасының «Қостанай қаласы білім бөлімінің С.Мауленов атындағы гимназиясы» КММ Жарғысы.

Гимназияның негізгі мақсаты

- қабылданған оқушыларға терең білім беру, рухани жан-жақты дамыған жеке тұлғаның дамуына жағдай жасау;
- білім жүйесінің жаңаша оқыту әдістерін қолдану;
- заманауи технологияларды қолдана отырып, оқушылардың білімін тереңдету;
- жаңа мазмұнда оқыту бағдарламасын тиімді жүзеге асыру;
- оқушылардың жеке мүмкіндіктеріне қарай бейінді оқытуды қамтамасыз ету.

2. Қабылдау тәртібі

2.1. Гимназияға қабылдау жоғарыдағы №564 бұйрығымен бекітілген бастауыш, негізгі орта және жалпы орта білімнің жалпы білім беретін оқу бағдарламаларын іске асыратын білім беру ұйымдарын оқуға қабылдаудың үлгілік қағидаларының 11, 25, 28-тармақтары негізінде іске асырылады.

- С.Мәуленов атындағы гимназияның негізгі орта білім курсын бітірушілерін **10-сыныпқа** қабылдау гимназияның Жарғысына сәйкес қызмет көрсету аумағы ескерілместен талаптарға сәйкес жүзеге асырылады.
- Келесі оқу жылына С.Мәуленов атындағы гимназияның білім алушыларынан ағымдағы оқу жылында барлық пәндер бойынша жылдық бағалары «4»-пен «5» болған және пәндік олимпиада мен ғылыми жобалардың жүлдегерлері, жақсы тәртіп көрсеткен 9-сынып бітірушілері заңнамада белгіленген тәртіппен және комиссия шешімімен 10-сыныпқа қабылданады.
- С.Мәуленов атындағы гимназиядан тыс өзге білім беру ұйымдарының білім алушылары оқу кезеңінде барлық пәндер бойынша жылдық бағалары «4»-пен «5» болған 9-сыныпты бітірген білім алушылары

гимназияның 10-сыныбына конкурс негізінде қабылданады. Сонымен қатар жылдық бағалары «4»-пен «5» болған 9-сынып бітірушілері пәндік олимпиада мен ғылыми жобалардың жүлдегерлері конкурсыз қабылданады.

- Конкурсқа құжат қабылдау гимназия директорының немесе оны ауыстыратын тұлғаның атына жазылған өтініш негізінде жүргізіледі.
- Конкурсқа қатысу үшін құжаттар: туу туралы куәлік көшірмесі, НОБ туралы аттестаттың көшірмесі, білім алушының ата-анасының немесе заңды өкілінің өтініші, болған жағдайда қалалық, облыстық, Республикалық, Халықаралық пәндік олимпиадалар мен ғылыми жобалар сайысының грамоталарының көшірмелері. Конкурсқа тапсырылған үміткердің құжаттары кері қайтарылмайды.
- С.Мәуленов атындағы гимназиядан тыс білім беру ұйымынан 10-сыныпқа үміткер білім алушыларына сынақ төмендегі пәндерден алынады: қазақ тілі, математика, Қазақстан тарихы, ағылшын тілі.
- Оқушыларды қабылдау мақсатында сынақ өткізу үшін қабылдау комиссиясы бұйрық негізінде құрылады. Қабылдау комиссиясының төрағасы гимназия директоры немесе оны ауыстыратын тұлға болып табылады.
- Қабылдау конкурсын өткізу үшін және конкурс жұмыстарын бағалаудағы даулы мәселелерді шешу үшін комиссия мүшелері шешім қабылдайды (дауыс беру арқылы).

Конкурсқа құжаттарды қабылдаудан бас тарту болып табылатын себептер:

- 1) конкурстық іріктеуге қатысуға белгіленген мерзімнен кейін өтініш білдіру;
 - 2) конкурсқа қатысу үшін қажетті талаптардың орындалмауы;
 - 3) конкурсқа қатысу үшін анықталған қажетті құжаттардың толық болмауы.
- Конкурс нәтижесі бойынша комиссия мүшелері қабылданған немесе қабылданбағаны туралы хаттамалық шешімін қабылдайды.
 - Қабылдау конкурсын өткізу кезеңі:
 - 1) С.Мәуленов атындағы гимназияның білім алушылары үшін оқу жылының сәуір айының соңғы аптасы;
 - 2) С.Мәуленов атындағы гимназиядан тыс білім беру ұйымынан қабылданатын оқушылар үшін ағымдағы жылдың тамыз соңғы онкүндігінде белгіленеді.

2.2. Білім алушыларды қабылдау, сыныптан-сыныпқа көшіру, оқудан шығару оқу үлгерімінің нәтижесі бойынша (рейтингілік балмен) гимназия кеңесінің (педагогикалық кеңес) шешіміне және гимназия Жарғысына сәйкес жүргізіледі. Жоғарыдағы 2022 жылғы 31 тамыздағы №385 бұйрығының 64 тармағы негізінде іске асырылады.

- Білім алушыларды 5-9,11-сыныпқа қабылдау С.Мәуленов атындағы гимназияның Жарғысына сәйкес қызмет көрсету аумағы ескерілместен білім алушының ата-аналарының немесе өзге де заңды өкілдерінің өтініші, ағымдағы жылды бітірген сыныптың оқу үлгерім табелінің

көшірмесі және негізгі орта білім туралы мемлекеттік үлгідегі құжаты негізінде жүзеге асырылады. Сонымен қатар жылдық бағалары «4»-пен «5» болған жағдайда 4-8,10-сынып бітірушілері пәндік олимпиада мен ғылыми жобалардың жүлдегерлері конкурсыз қабылданады.

- Келесі оқу жылына Қостанай қаласының (тұрғылықты мекен-жайына маңызды емес) 4-8,10-сыныпты бітірген білім алушылары ағымдағы оқу жылындағы барлық пәндер бойынша жылдық бағалары «4»-пен «5» болған жағдайда 5-9,11-сыныпқа конкурс негізінде қабылданады.
- **5-сыныпқа** конкурсты жүргізу бекітілген кестеге сәйкес жүзеге асырылады, құжат қабылдау гимназия директорына жазылған өтініш негізінде жүргізіледі және өтініш ағымдағы жылдың сәуір айының 15-нен мамыр айының 15-не дейін қабылданады.
- Конкурсқа қатысу үшін құжаттар: білім алушының ата-анасының немесе заңды өкілінің өтініші, туу туралы куәлік, бітірген сыныптың табелінің көшірмесі, болған жағдайда қалалық, облыстық, Республикалық, Халықаралық пәндік олимпиадалар мен ғылыми жобалар сайысының грамоталарының көшірмесі. Конкурсқа тапсырылған үміткердің құжаттары кері қайтарылмайды.
- 5-сыныптарға қабылдау конкурс төмендегі пәндерден алынады: қазақ тілі, математика, жаратылыстану.
- 6-9,11-сыныптарға конкурс төмендегі пәндерінен алынады: қазақ тілі, математика, Қазақстан тарихы, ағылшын тілі.
- Білім алушыларды қабылдау мақсатында конкурс өткізу үшін педагогикалық кеңестің шешімімен қабылдау комиссиясы құрылады. Қабылдау комиссиясының төрағасы гимназия директоры немесе оны ауыстыратын тұлға болып табылады.
- Қабылдау конкурсын өткізу үшін және конкурс жұмыстарын бағалаудағы даулы мәселелерді шешу үшін комиссия мүшелері шешеді (дауыс беру арқылы).

Конкурсқа құжаттарды қабылдаудан бас тарту болып табылады:

- 1) конкурстық іріктеуге қатысуға белгіленген мерзімнен кейін өтініш білдіру;
- 2) конкурсқа қатысу үшін қажетті талаптардың орындалмауы;
- 3) конкурсқа қатысу үшін анықталған қажетті құжаттардың толық болмауы.

- Конкурс нәтижесі бойынша сыныптардың толымдылығына қарай ұсынылған тапсырмалардың 65%-дан жоғары орындаған білім алушылар комиссия шешімі негізінде қабылданады. Сыныптардың толымдылығы жеткіліксіз болған жағдайда (бос орындар болғанда), қабылдау емтиханынан 50%-дан жоғары нәтижеге қол жеткізген үміткерлер қабылдануы мүмкін.
- Қабылдау конкурсының өткізу кезеңі – бекітілген кестеге сәйкес.

3. Құжатты қабылдау тәртібі

3.1. Конкурсқа қатысатын оқушылардың құжаттарын қабылдауды С.Мәуленов атындағы гимназияның хатшысы жүргізеді.

3.2. Конкурса С.Мәуленов атындағы гимназия директоры бекітілген кесте бойынша жүргізіледі.

3.3. Хабарландыру және қабылдау Ережесі гимназияның ресми сайтында және әлеуметтік желілердегі парақшаларда жарияланады. (жыл сайын)

3.4. Әрбір пән бойынша сынақ алу үшін комиссия құрамын гимназия директоры бекітеді. Комиссия төрағасы гимназияның директоры немесе оны ауыстыратын тұлға, ал комиссия мүшелері гимназияның пән мұғалімдері болады.

3.5. Іріктеу кезеңіне қатысу үшін келесі құжаттарды тапсырады.

- Білім алушының ата-анасының немесе заңды өкілінің өтініші,
- Үміткерлердің туу туралы куәлігінің көшірмесі.
- Бітірген сыныптың оқу үлгерім табелінің көшірмесі (жылдық бағалары «4» пен «5»).
- Болған жағдайда қалалық, облыстық, Республикалық, Халықаралық пәндік олимпиадалар мен ғылыми жобалар сайысының грамоталарының көшірмесі.

4. Конкурстың өткізілуі

4.1. Конкурстық жұмыстарын орындау үшін үміткерлерге гимназияның бұрыштама мөртабаны басылған қағазы беріледі. Жұмысты орындаған үміткерлер оны шимай қағазымен бірге конкурс кезіндегі кезекшілерге тапсырады.

4.2. Берілген уақытта аяқтай алмаған үміткерлер жұмысты аяқталмаған күйде тапсырады.

4.3. Конкурс өткізу кезеңінде үміткерге сыныптан 5 минутқа шығуға рұқсат етіледі. Бұл жағдайда ол жұмысын кезекші педагогке тапсырады, жұмысында үміткердің шығу ұзақтығы көрсетіліп жазылады.

4.4. Конкурс материалдарын таратуға, аудиторияда тәртіп ережелерін түсіндіруге бөлінген уақыт белгіленген уақытқа кірмейді.

4.5. Конкурс кезінде байланыс құралдарын (ұялы телефон, планшет, т.б.), электронды есептеу құралдарын (калькулятор, басқа да есептеу құралдары) қолдануға болмайды.

4.6. Конкурс кезінде тәртіп бұзған талапкерге акт толтырылып, конкурстан шеттетіледі.

4.7. Конкурс жазбаша бақылау жұмысы, тест түрінде өткізіледі, орындау уақыты астрономиялық - 2 сағат (120 минут).

1) 4-сыныптар үшін конкурс:

- математика пәнінен жазбаша бақылау жұмысы 7 тапсырмадан тұрады, жалпы ұпай саны: 20.
- қазақ тілі пәнінен оқылым, жазылым 7 тапсырмадан тұрады, жалпы ұпай саны - 20 балл.
- жаратылыстану пәнінен 20 тест тапсырмадан тұрады, ұпай саны-20.

Балдарды бағаға ауыстыру шкаласы:

20 сұрақтың 85%-100% (17-20 балл) - бағасы – «5»;
65%-84% (13-16 балл) - бағасы – «4»;
40%-64% (8-12 балл) - бағасы – «3»;

0-39% (1-7 балл) - бағасы «2».

2) 6-11-сыныптар үшін конкурс жалпы - 54 тапсырма, жалпы бал саны - 80:

- математика пәнінен жазбаша бақылау жұмысы 7 тапсырмадан тұрады, жалпы ұпай саны - 20;
- қазақ тілі пәнінен оқылым, жазылым дағдысы бойынша 7 тапсырмадан тұрады, жалпы ұпай саны - 20;
- Қазақстан тарихы пәнінен 20 тест тапсырмасы, жалпы ұпай саны - 20;
- ағылшын тілі пәнінен 20 тест тапсырмасы, жалпы ұпай саны – 20.

Балдарды бағаға ауыстыру шкаласы:

20 сұрақтың 85%-100%(17-20 ұпай) - бағасы – «5»;

65%-84% (13-16 ұпай) - бағасы – «4»;

40%-64% (8-12 ұпай) - бағасы – «3»;

0-39% (1-7 ұпай) - бағасы «2».

4.8. Конкурстан соң білім алушылардың жұмыстары бағаланып, хаттамаға енгізіледі. Хаттамаға комиссия мүшелері қол қояды.

4.9. Білім алушылардан қабылданған конкурс нәтижесі 3-5 жұмыс күні аралығында хабарланады.

5. Қорытынды ережелер

5.1. Конкурстық іріктеуден өтіп, оқуға қабылданатын үміткерлердің ата-аналары үшін гимназия әкімшілігі қатысуымен жиналыс өткізіледі. Жиналыста гимназияның ішкі тәртібі таныстырылады.

5.2. Осы Ережеде реттелмеген мәселелер Қазақстан Республикасының қазіргі заңнамасы және бекітілген ішкі құқықтық актілеріне сәйкес жұмыс органымен шешіледі.

5.3. 5-сынып білім алушыларын сыныптарға бөлу кезінде жалпы тізім алфавиттік ретпен негізге алынып, оқу үлгерімі мен жыныстық құрамына қарай теңдей бөлінеді. Бұл жұмысты директордың оқу жұмысы жөніндегі орынбасары жүзеге асырады. 6–9-сыныптарға қабылданған білім алушылар бос орындары бар сыныптарға орналастырылады. 10–11-сынып білім алушылары бейіндік бағытына сәйкес сыныптарға бекітіледі.

5.4. Сынып жетекшілерді тағайындауға жауапты директордың тәрбие жұмысы жөніндегі орынбасары.

5.5. Конкурс жұмыстарының ұйымдасқан түрде өтуіне жауапты директордың оқу және әдістемелік жұмыс жөніндегі орынбасарлары.

5.6. Конкурс жұмыстарының дұрыс тексерілуіне жауапты бекітілген комиссия мүшелері.
